



Ilaqutariinnermut Peqqissutsimullu Ataatsimiititaliaq
 Inatsisartut

**Angajoqqaat sulinngiffeqartarnerat pillugu UPA2017/56-imi aalajangiiffigisassatut
 siunnersuummut atatillugu Ilaqutariinnermut Peqqissutsimullu
 Ataatsimiititaliamut akissut**

20-09-2017
 Sags nr. 2017 - 20036
 Akt. id. 6209583

Angajoqqaat sulinngiffeqartarnerat pillugu UPA2017/56-imi aalajangiiffigisassatut siunnersuummut atatillugu Ilaqutariinnermut Peqqissutsimullu Ataatsimiititaliaq arlalinnik apeqquaqarsimavoq. Tulliuttumi apeqquutit sukumiisumik nassuiarneqarsimapput.

Postboks 260
 3900 Nuuk
 Tlf. (+299) 34 50 00
 Fax (+299) 34 66 66
 E-mail: iniiian@nanoq.gl
 www.naalakkersuisut.gl

**Apeqquut 1 Ataatsimiititaliap siullertut allannguutissatut siunnersuummut
 tunuliaqtaasut erseqqinnerusumik nassuiaqquai**

Naalakkersuisut isumaqarput aningaasatigut atuisinnaassutsip iluani ilaqutariinnut meerartalinnut atugassarititaasut pitsaanerpaatinneqassasut. Taamaattumik suliniutit ilaqutariinnut meerartalinnut iluaqutaanerpaasut salliutittariaqarpavut.

Taassuma saniatigut ilaatigut ilaqutariinnut meerartalinnut isumaginninnikkut ikiorsiissutini saqqummersartunik ajornartorsiuteqarpoq taakkualu ajornartorsiutit aaqqiissutissaat tamatigut salliunneqartariaqarput. Siullertut meeqqanut tapiissutinik ineqarnermullu tapiissutinik aaqqissuusseqqittariaqarneq pisariaqarluinnartuuvoq. Naalakkersuisut aaqqissuusseqqinnerit taakkua naammassinissaat 1. januar 2018-imilu atuutilersinnaanissaat siunniuppaat. Aaqqissuusseqqinnerit ilaqutariinnut meerartalinnut annertuumik iluaqutaassapput ukiumullu missingersuutigineqarpoq 24 mio. kr.-nik aningaasartuuteqarfiunerussasut.

Matuma saniatigut meerartaarnermut atatillugu aningaasaateqarfimmik pilersitsisoqarnissaa pisariaqarpoq taamaalilluni angajoqqaat erninnermut atatillugu atugarisaat kiisalu suliffeqarfeqarfimmi arnanut atugassarititaasut pitsaanerulersinneqassapput. Meerartaarnermut atatillugu aningaasaateqarfimmik pilersitsineq arnat meeqqiorfiup nalaaniittut suliffissarsiornermi suliffeqarfinnit erninissamut sulinngiffeqartunik akissarsiaqartitsinissamik pinaveersaartitsisunik akissarsiaqartitsisimanermillu utertiffigineqartannginneq pissutigalugu qaangiinnarneqannginnissaannut iluaqutaassaaq. Aammattaaq meerartaarnermut atatillugu aningaasaateqarfik meerartaarnermut atatillugu sulinngiffeqarnermi tamakkiisumik akissarsiaqartitsinissamut annertuumik kajumissaarivoq suliffeqarfimmut tamakkiisumik aningaasartuutaasoq minnerulertussaammat. Meerartaarnermut atatillugu aningaasaateqarfimmik pilersitsineq suliffeqarfeqarfimmiit tapersersorneqartariaqarpoq. Maannakkorpiaq sulinngiffeqartarneq sapaatit akunnerinik sisamanik sivitsorneqassappat meerartaarnermut atatillugu sulinngiffeqarnermi aningaasaateqarfimmik pilersitsinissaq piviusunngorsinnaanersoq apeqquataalissaaq.

Apequt 2 Meerartaarnermut atatillugu aningaasaateqarfiup suliarineqarnerata killiffia

Meerartaarnermut atatillugu sulinngiffeqarnermi aningaasaateqarfiup pilersinneqarnissaa suliffeqarfiit tungaanniit qangalili kissaatigineqartarsimavoq. 2016-imi SIK-p Sulisitsisullu akornanni isumaqatigiissutit nutarternerini meerartaarnermut atatillugu aningaasaateqarfiup pilersinneqarnissaa pillugu Naalakkersuisunut ataatsimut saaffiginninnissaq allassimaffinnut allanneqarpoq. Taamaattumik suliap aallartinneqarnissaa anguniarlugu SIK aamma Kalaallit Nunaanni Sulisitsisut upernaq 2017-imi Isumaginninnermut, Ilaqutariinnermut, Naligiissitaanermut, Inatsisinillu Atuutsitsinermut Naalakkersuisoqarfimmut saaffiginnippat.

Matumunnga malitseqartitsinermit Naalakkersuisoqarfiup kattuffiillu taakkua marluk akornanni ataatsimiinnerit arlallit ingerlanneqarsimapput matumani ilutsit assigiingitsut illugiilluni ataatsimullu oqaloqatigiissutigineqarsimallutik.

Ataatsimiinnermi siullermi suleqatigiissitamik pilersitsisoqarnissaa suleqatigiissitallu meerartaarnermut atatillugu aningaasaateqarfiup qanoq iluseqarsinnaaneramik misissueqqissaarnissaa, matumani qanoq aningaasalersorneqarnissaa, isumaqatigiissutigineqarpoq.

Meerartaarnermut atatillugu sulinngiffeqartarnermut maleruagassat piunasaqaatillu ullumikkut atuuttut.

Ernereermermi ullormusiaqartitsineq pisarpoq Naartunermi, erninermi meeravissiaarnermilu sulinngiffeqartarneq ullormusiaqartarnerlu pillugit Inatsisartut Inatsisaat nr. 14 7. decembari 2009-meersoq malillugu.

Naartusunut anaanaasunullu erninermi ullormusiaqartitsisoqartarpoq. Erninissamut ulluliussaq sapaatit akunnermik marlunnik sioqqullugu ernereermerullu kingorna sapaatit akunnerini 15-ini ullormusiaqartitsisoqartarpoq. Marlunnik amerlanerusunilluunniit meerartaarnermi sapaatit akunnerini 19-ini ernisimanermit ullormusiaqartitsisoqartarpoq. Ataataasut sapaatit akunneri pingasut erninermi ullormusiaqartinneqartarput.

Aamma ataatsimik meerartaarnermi sapaatit akunnerni 17-ini aammalu marlunnik amerlanerusunilluunniit meerartaarnermi sapaatit akunnerni 21-ni angajoqqaat sulinngiffeqarnerannut atatillugu ullormusiaqartitsisoqarsinnaavoq. Angajoqqaat namminneq aalajangissavaat sorleq meerartaarnermi sulinngiffeqassanersoq taannalu paarlakaassinnaavaat.

2016-imi meeqqat 863-it inunngorput ukiorlu taanna innuttaasut 1263-it meerartaarnermut atatillugu ullormusiaqartinneqarsimapput.

Suliffeqarfeqarfimmi eqimattat arlallit meerartaarnermut atatillugu isumaqatigiissutit malillugit tamakkiisumik akissarsiaqartinneqartarput amerlanerilli soorlu assersuutigalugu SIK-mi ilaasortat meerartaarnermut atatillugu tamakkiisumik akissarsiaqartinneqarneq ajorput.

akissarsianut naapertuuttunik ullormusiat ilanngarneqartarput. Tamanna sulisunut/sulisitsisunut isumaqatigiissutit malillugit tamakkiisumik akissarsiaqartinneqartut isumaqatigiissutit malillugit tamakkiisumik akissarsiaqartinneqanngitsunut sanilliullugit assigiinngisitsinermik isumaqarpoq, tassa sulisitsisut tamakkiisumik akissarsiaqartitsisut namminneq akilertarmassuk illuatungaanili Namminersorlutik Oqartussat tamakkiisumik akissarsiaqartinneqanngitsut akilertarpaat taamaattumillu sulisitsisoq erninermut atatillugu aningaasartuuteqassanani.

Meerartaarnermut atatillugu aningaasaateqarfiup siunertaa

Meerartaarnermut atatillugu aningaasaateqarfimmi siunertarineqarpoq angajoqqaat sulinngiffeqartut atugarisaat pitsannngortinniarlugit kiisalu arnat meeqqiorfiup nalaaniittut suliffeqarfeqarfimmi immikkoortinneqannginnissaannik qulakkeerinnineq. Sulisitsisut amerlasuut sulinngiffeqarnermi tamakkiisumik akissarsiaqartitsisumik nutaanik isumaqatigiissusiornissamik tunuarsimassapput, tassa aningaasartuummut arlaatigulluunniit utertitsiffigineqannginnissaq pissutigalugu. Ingammik suliffeqarfiit amerlasuunik arnanik sulisullit erninermut atatillugu sulinngiffeqartartunut tamakkiisumik akissarsiaqartitserusunneq ajorput erninermut atatillugu akissarsiaqartitsineq suliffeqarfimmut annertuumik immikkut artukkiisussaanaera pissutigalugu.

Tassunga ilanngullugu ilaatigut Skandinaviami sumiiffinni arlalinni assersuutit takuneqarsimapput, tassa suliffeqarfimmut aningaasartuutaanerusussaanaera pissutigalugu arnat meeqqiorfiup nalaaniittut suliffeqarfiit qaangiinnartarsimanerintut assersuuteqarmat.

Taamaattumik meerartaarnermut atatillugu aningaasaateqarfimmi siunertarineqarpoq aningaasartuutit akissarsianut erninermilu ullormusianut assigiimmik pisussaaffeqarfiusumik agguartalernissaat, taamaalilluni suliffeqarfiit amerlasuut meerartaarnermut atatillugu tamakkiisumik akissarsiaqartitsinissamut kajuminnerulissammata.

Eqqarsaat tassaavoq pisortat aningaasaataat suliffeqarfimmi namminersortuni erninermut atatillugu ullormusiaqartitsinermut atorneqartartut meerartaarnermut atatillugu aningaasaateqarfimmut ikineqartalernissaat tassa aningaasaateqarfik aningaasalersorneqassaaq suliffeqarfiup akissarsiarititaanit tamarmiusumit promillemik akileraartitsinikkut.

Suliffeqarfiit matuma kingorna assersuutigalugu SIK-mi isumaqatigiissutit malillugit akissarsiat minnerpaaffianut naapertuuttumik erninermut atatillugu akissarsiaqartitsinermut aningaasartuutintut utertitsiffigineqartassapput.

Periuseq allanngorartumik arlalinnik uuttuutilerneqarsinnaavoq matumani utertitsinerup annertussusissaanut, pisortani atorfillit ilanngunneqassanersut il.il.

naatsorsuutigisinnaavarput?


Meerartaarnermut atatillugu aningaasaateqarfimmik suliaqarnermut atatillugu takorluukkani assigiinngitsuni aningaasaqarnermut kingunissanut paasissutissanik pissarsiniarnissaq unamminartoqaalussimasoq paasineqarsimavoq, matumani minnerunngitsumik Namminersorlutik Oqartussat erninermut atatillugu ullormusiaqartitsinermut aningaasartuutaannik namminersortuni atorfillinnut naatsorsuineq kiisalu inuussutissarsiortuni aningaasartuutitik naatsorsuineq taavalu promillemik akileraarutissap annertussusaata naatsorsornera. Taamaattumik taakkua paasissutissat naleqqunnerpaamik qanoq katersorneqassanersut isummerfigineqartariaqarput.

Naatsorsuutigineqarporli 2018-ip aallartinnerani periutsimik sulisitsisut tungaanniit aamma tapersorneqartumik saqqummiisoqassasoq.

Apeqput 4 Ineqarnermut tapiissutitik aamma meeqqanut tapiissutitik aqqissuusseqqinnissamut pilersaarutitut nassuiaatit

Ineqarnermut tapiissutit aamma meeqqanut tapiissutit naatsorsorneqarnissaannut malittarisassat aqqissugaanerit piffissami sivisuumi isornartorsiorneqartarsimavoq. Ilaatigut Akileraarnermut Atugarissaarnermullu Ataatsimiititaliarsuup oqaatigisimavaa inoqutigiit isertitaat apeqputaatillugit ineqarnermut tapiissutigineqartartut aamma meeqqanut tapiissutigineqartartut annikillisinneqartarnerat pitsaanerpaamik ingerlanneqanngitsaq.

Assersuutigalugu meeqqanut tapiissutit annikillisinneqartarnerat maanna aqqissuussinerup kinguneranik aningaasarsiat annikitsuararsuarmik qaffanneqartarnerisigut aningaasat atorneqarsinnaasut annertuumik ikilisinneqartarput. Inuup ukiumut 178.000 kr.-nik isertitaqartartup tiimimut aningaasarsiaasa 1,50 kr.-nik qaffaaffigineqarnerisa nassataanik ukiumut isertitat 3.000 kr.-it pallingajallugit annertusissapput, taakkunanga 42 pct.-it akileraarutigineqassapput (Qeqqata Kommunia), taamaalilluni akileraarutit peereerlugit isertitat qaffaassutigissavaat 1.670 kr.-it. Tamatumunnga peqatigitillugu inoqutigiit marlunnik meerartallit eqqarsaatigalugit isertitaqarnerulernerup kinguneranik meeqqanut tapiissutit ukiumut 5.090 kr.-nik appartinneqassapput. Tassa aningaasat atorneqarsinnaasut ilanngaaseereerluni allanngortinneqarnerisigut katillugit 3.400 kr.-it missaannik appartinneqassapput. Taamaalilluni 200 pct.-it sinnerlugit ataatsimoortumik akileraarusiisoqassaaq. Ajornartorsiut tamannarpiaq sulisitsisunit sulisullu kattuffiit qaqilerneqartarsimavoq.



Ineqarnermut tapiissutit aningaasarsiat naapertorlugit 4.000 kr.-ikkaarlugit ikilisikkiartortinneqartarput, tassa assersuutigalugu inoqutigiit meerartaqanngitsut 156.000 kr.-it aamma 159.999 kr.-it akornanni isertitaqartarpata nammineq akiliutissaq 81 pct.-iusarpoq. Isertitali 160.000 kr.-inut qaffappata nammineq akiliutissaq 84 pct.-iulissaaq. Taamaammat ineqarnermut tapiissutit isertitat qaffanneqarnerannut sanilliullugu apparnerusinnaapput, tassa ikiorsiiffigineqartoq isertitaqarneruleraangami pillarneqartarpoq.

Peqatigitillugu 180.000-343.999 kr.-it akornanni isertitaqarnermi sunut tamanut nammineq akiliutaasartut attatiinneqarput. Taamaalilluni taakkunannga isertitaqartaraanni arlaatigut ikilisitsisoqarneq ajorpoq. Taamatut ikilisitsisannginneq tunngavissaqanngilluinnarlunilu siunertamut naapertuutinngilluinnarpoq.

Ineqarnermut tapiissutit meeqqanullu tapiissutit eqqarsaatigalugit tunngaviusumik ajornartorsiutaasoq tassaavoq isertitaqarneruleriartorneq ilutigalugu ikiorsiissutinik assigiikannersumik annikilliliisarneq atornagu killiffilersuilluni annikilliliisoqartarmat. Tassa isertitaqarnerulaalernerup nassatarikkajuttarparaa ikiorsiissutaasartut annertuumik annikillisinneqartarnerat, tamannalu ataatsimut isigalugu isertitanik annaasaqarneruvoq. Imaappoq assersuutigalugu piffissaq tamakkerlugu sulinissaq ilaannikkooriarluni imminut akilersinnaasanngilaq. Ilaatigut Kalaallit Nunaanni aningaasaqarneq pillugu siunnersuisoqatigiit oqaatigisimavaat immikkut ittumik suliaqarnissamut kajumissuseqannginneq inuiaqatigiit ineriartornerannut atugarissaartuunerannullu sunniuteqassasoq.

Tamanna ilaatigut pissutigalugu ineqarnermut tapiissutit meeqqanullu tapiissutit annikillisiikkiartuaartinneqarnissaannut malittarisassat ullumikkut

paasiuminaatsupilussuit ajornaallisaaffigineqarnissaat nutarterneqarnissaallu tunngavissaqarpoq. Taamaammat aaqqissuussanut taakkununga marlunnut tunngatillugu siunnersuutigineqarpoq assersuutigalugu isertitaqarnerulaalernermi aningaasat atorineqartussat ikilisinneqarnerannik nassataqanngitsumik isertitat apeqqutaatillugit ikiorsiissutit assigiikannersumik annikillisikkiartortinneqartartalissasut.

Ikiorsiissutinik taakkunanga marlunnik aaqqissuusseqqinnissat ataatsimut isigineqassapput, tassa ineqarnermut tapiissuteqartarneq immikkut aaqqissuuteqqinneqarsinnaanngimmat meeqqanut tapiissutaasartut allannguuteqartinnagit. Ilaqutariit arlalinnik meerartallit meeqqanut tapiissutit aqutugalugit ajunngitsorsiasaqaartinnagit ineqarnermut tapiissutit assigiikannersumik appariartortinneqarsinnaanngillat. Ajornartorsiut tamanna ilisimatitsissummi erseqqinnerusumik sammineqassaaq.

Ineqarnermut tapiissutit

Innuttaasunut inini attartukkani najugalinnut ineqarnermut tapiissutaasartut Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq kiisalu Namminersorlutik Oqartussat nalunaarutaat nr. 22, 29. decembarimeersoq aqutugalugit iluarsivigineqartarput.

Ineqarnermut tapiissutit inoqutigiit maannakkut isertitaat tunngavigalugit naatsorsorneqartarput. Inoqutigiit maannakkut isertitaasa annertussusaat malillugu aalajangerneqartarpoq inigisamut akiliutissanut qanoq annertutigisut nammineq akiliutigineqassanersut. Peqatigitillugu ineqarnermut tapiissutit qanoq annertutiginissaannut inoqutigiinni meeqqat amerlassusaat apeqqutaasarpoq taamalu nammineq akiliutigisassat qanoq annertutiginissaannut. Meeqqat amerlanerutillugit nammineq akiliutissat appasinnerusarput.

Nammineq akiliutissat naatsorsorneqartarput suussutsit arfineq marluk tunngavigalugit – inoqutigiinni meerartaqanngitsunit arfinilinnik meerartalinnut. Tassa ineqarnermut tapiissutinik appariartuaartitsisarneq suussutsini arfineq marlunni taakkunani assigiinngitsumik ingerlanneqartarpoq.


Taamaalilluni inoqutigiit meerartaqanngitsut ukiumut maanna 161.000 kr.-nik isertitaqartarpata inigisaminnut namminneq akiliutigisartagaat 84 pct.-iuvoq, inoqutigiilli pingasunik meerartallit akiliutigisartagaat 66 pct.-iulluni.

Pensionisiaqartumut massakkut isertitanit 4.100 kr.-it ilanngaatineqassapput. Inoqutigiinnut ineqarnermut tapiissutit ukiumut annerpaamik 60.000 kr.-usinnaapput.


Ineqarnermut tapiissutinut malittarisassiaq nutaaq.




Appariartuaartitsineq narlusuunngortinneqassaaq isertitallu naapertorlugit annerpaamik 1.000 kr.-nikkaarneqartassallutik. Ataani ilusilersukkani aaqqissuussaaneq atuuttoq aappaluttumik titartarsimasutut takutinneqarpoq malittarisassallu nutaat tungujortumik titartarsimasutut takutinneqarlutik.

Ineqarnermut tapiissutit – malittarisassat atuuttut aamma aaqqissuussineq nutaaq malillugu inoqutiginnut marlunnik meerartalinnut appariartuaartitsineq



Iseritakitsunut akunnattumillu isertitalinnut pitsanngoriaat.





Titartakkani takuneqarsinnaasutut periuseq ilaqutariinnut meerartalinnut amerlasuunut annaasaqarnermik kinguneqassaaq – ingammik ilaqutariinnut arlalinnik meerartalinnut – inoqutigiittut missingerlugu 220.000 kr.-niit 450.000 kr.-it tungaanut isertitalinnut. Illuatungaanili inoqutigiit meerartaqanngitsut ilaqutariillu arlalinnik meerartallit isertitakitsut iluaqutigissavaat inoqutigiilli 1-2-nik meerartallit ikittuinnaat annikitsunnguamik eqqugaassapput.

Ilaqutariit meerartallit pillugit meeqqanut tapiissutinut appariartuaartitsisarnermut aaqqissuussinermik pitsanngorsaanikkut tamanna aaqqiiviginiarneqarpoq ilaqutariit meerartallit taamaalillutik inissisimanagerat pitsaanerulissammat. Ilaqutariit arlalinnik meerallit ineqarnermut tapiissutaat annikillissaaq meeqqanulli tapiissutinik amerlanerusunik pisalerlutik taamaalilluni ilanngaatisassat ilanngaatigereerlugit aningaasat atornerqarsinnaasut qaffassapput imaluunniit siornatigut annertussusigimasamittut iinnassapput.

Inooqatigiinnermi immikkut pisoqarneranut atatillugu ineqarnermut tapiissutit.

Ineqarnermut tapiissuteqarnissamut malittarisassat maanna atuuttut eqqarsaatigalugit immikkut ajornartorsiutaasartoq tassaavoq aappaasup toqukkut qimagunnerani inuuni- arnermi ajorluinnartumik inissittoqartarnera. Inooqataasup toqukkut qimagunnerani qimataasooq inimut mikinerusumut naapertuuttumik taamaallaat ineqarnermut tapiissutisinnatitaavoq, arlalippassuillu taamaammat allamik inissaqartinneqaratik inigisartik qimattariaqartarpaat. Inatsisit atuuttut allannqortinneqarnerisigut tamanna allannqortinniarnearpoq.

Periutsip atornerani aningaasatigut kingunerisassat.

2015-imi naatsorsorneqartutut periutsimut ataatsimut missingerlugu ukiumut 15 mio.- iunik aningaasartuuteqarfiunerussaaq. Aamma inooqatigiinnermi immikkut pisoqarneranut atatillugu ikiorserneqartussat isumannaarneqarnissaannut annikitsuaqqamik aningaasartuuteqarnerusoqassaaq. Kiisalu IT-systeminik piusunik allannqortiterinnermut atatillugu ataasiartumik aningaasartuuteqassalluni.

Meeqqanut tapiissutit

Meeqqanut tapiissuteqarnissamut malittarisassat Meeqqanut tapiissutit pillugit Inatsisartut inatsisaat nr. 9, 7. december 2009-meersoq aamma Meeqqanut tapiissutit pillugit Namminersorlutik Oqartussat nalunaarutaat nr. 19, 18. oktober 2012-imeersoq kiisalu ukiumoortumik aningaasanut inatsisit aqutqigalugit iluarsivigineqartarput.

Isertitanut killiliussat meeqqanullu tapiissutit aningaasanut inatsimmi aalajangersarneqartarput.

Meeqqanut tapiissutit

- ukiumut 8.477 kr.-it inoqutigiinnut 0 kr.-it aamma 130.000 kr.-it akornanni akileraaruserneqartussanik isertitaqartartunut tunniunneqartarput.

- ukiumut 5.731 kr.-it inoqutigiinnut 130.001 kr.-it aamma 180.000 kr.-it akornanni akileraaruserneqartussanik isertitaqartartunut tunniunneqartarput.
- ukiumut 3.186 kr.-it inoqutigiinnut 180.001 kr.-it aamma 280.000 kr.-it akornanni akileraaruserneqartussanik isertitaqartartunut tunniunneqartarput.

280.000 kr.-it sinnerlugit akileraaruserneqartussanik isertitaqarnermi meeqqanut tapiissutit atorunnaarsinneqartarput.

Periuseq tamanna naleqqutinngilaq ullutsinnullu naleqqunnani. Taamaattumik isertitat naapertorlugit meeqqanut tapiissutit narlusuumik appartikkiartuaartinneqarnissaat siunnersuutigineqarpoq.

Meeqqanut tapiissutinut malittarisassat allangortinneqarnissaanut periuseq


Meeqqamut ataatsimut tapiissutit annerpaamik 8.477 kr.-it

130.000-nik isertitaqarnermi aningaasat ikilisikkiartortinneqartassapput. Siulliup saniatigut meeqqamut ataatsimut aningaasanut killiliussaq 25.000 kr.-nik qaffanneqassasoq

Meeqqanut tapiissutinik pisartagaqarunnaarneq 280.000-niit 375.000 kr.-nut qaffanneqassaaq. Siulliup saniatigut meeqqamut ataatsimut killiliussaq 25.000 kr.-nik qaffanneqartassaaq.

Periutsumut uunga tassa ineqarnermut tapiissutinik aamma meeqqanut tapiissutinik narlorissumik annikillisikkiartuaartitsisarnerup ataatsimut kingunerisassanik naatsorsuisoqarsimavoq. Ataatsimut isigalugu periutsumik uannga atuinikkut aqqissuusseqinnerit annaasaqarfiussanngitsut naatsorsukkat takutippaat. Tassa imaappoq ilaqtariit meerartallit ineqarnermut tapiissutit annaasaat meeqqanut tapiissutinngorlugit tigussavaat.

Takussutissiami ataaniittumi takutinneqarpoq naatsorsueriaaseq malillugu qanoq annikillisikkiartuaartitsisoqassanersoq.




Meeqqanut tapiissutit						
Meeqqat amerlassusaat	1	2	3	4	5	6
Tunnngaviusumik aningaasartaat	8.477	16.954	25.431	33.908	42.385	50.862
Annikillisikkiartaartitsin erup aallartinnera	130.000	155.000	180.000	205.000	230.000	255.000
Annikillisikkiaartaartitsi neq	3,50%	7,00%	10,50%	14,00%	17,50%	21,00 %

Taamaalilluni meeqqanut tapiissutissat imatut naatsorsorneqartassapput:

Meeqqanut tapiissutit annerpaat (2017-imi ukiumut 8.477 kr.) – ((inoqutigiit isertitaat – (130.000+meeqqat amerlassusaat x 25.000 kr.)(akileraarutaasusaaanngitsut amerlassusaat) x appariartaartitsinermi pct.) = Meeqqanut tapiissutit.

Ilaqtariinnut arfinilinnik meerartalinnut ilanngaatisassat ilanngaatigereerlugit sunniutissaa.

**Ilanngaatisassat ilanngaatigereerlugit sunniutissaa – meeqqanut tapiissutit / Ineqarnermut tapiissutit
Aqqissuussinerup nutaap pisoqqamut naleqqiunnera.**



Periuseq 2018-imut nutaamik aningaasanut inatsisissap oqaasertaasigut naammassineqarsinnaassaaq.

Aningaasaqarnikut kingunerisassat

2017-imi meeqqanut tapiissutitut 43 mio. kr.-it immikkoortinneqarsimapput. 2015-imi naatsorsuinerit takutippaat meeqqanut tapinut tunngatillugu aqqissuussamik aqqissuusseqinneq ukiumut 9 mio. kr.-nik aningaasartuuteqarfiunerussasoq. Kiisalu IT-systeminik allangortitsinermut ataasiartumik aningaasartuuteqarfiussaaq.

Inussiarnersumik inuulluaqqusillunga
Med venlig hilsen


Sara Olsvig